

D. A.
DISPUTATIONEM JURIS FEUDALIS
De

EXPECTATIVA IN CASUM MORTIS CONCESSA,

Consensu Magnifici VVittebergensium Jctorum Ordinis

VIRI
RECTORIS MAGNIFICI

NOBILISSIMI, AMPLISSIMI, CONSULTISSIMI
ATQVE EXCELLENTISSIMI,

DN. WILHELMI LEISERI,
JCTI & ANTECESSORIS HUIUS ACADEMIÆ
FAMIGERATISSIMI, CURIÆ ELECTORALIS, SCA-
BINATUS, AC FACULTATIS JURIDICÆ ASSES-
SORIS GRAVISSIMI.

PATRONI AC PRÆCEPTORIS SUI SUB-
MISSE ÆTATEM SIBI DEVENERANDI

Publicè habebit in AUDITORIO JCTORUM
horis consuetis d. Julii

CHRISTIANUS ADAMUS SCHLEUSIN-
GIUS, DOBRILUCA-LUSATUS

✻(o)✻ ✻(o)✻ ✻(o)✻ ✻(o)✻ ✻(o)✻ ✻(o)✻ ✻(o)✻ ✻(o)✻

Literis MATTHÆI HENCKELII, Acad. Typogr.

ANNO M. DC. LXXIII.

EXTRACT
OF THE
JOURNAL

OF THE
PROCEEDINGS



IN NOMINE DOMINI NOSTRI
JESU CHRISTI

*ad omnia consilia omnesq; actus semper progredi-
mur l. 2. C. d. off. Praef. Prat. Afr.*



• Votiescunqve Veteres Jcti Ju-
ris materiam aggrediebantur ab uti-
litate plerumqve & frequenti usu e-
am commendabant; dubio procule-
um ob finem, qvò Auditorum aut le-
ctorum animos attentiores redde-
rent, sicuti constat ex l. 1. ff. d. negot. gest. l. 1. de in inte-
gr. rest. l. 1. ad exhib. & multis aliis. Ejusmodi autem
commendatione feudorum materias (de qvali & nos in
praefens tractaturi sumus) haud indigere puto: *Quippe*
cum nullus vel mediocriter saltem in Jure versatus ejus utilita-
tem & necessitatem maximam esse inficias ire possit, praesertim
cum in Imperio Romano - Germanico nullum Regnum, nullum
Ducatus, Comitatus, Baronatus, imo nullum oppidum ferme
reperiatur, in quo Juris Feudalis cognitio non sit necessaria.
Schultz in praef. Synops. Jur. Feud. Inter insignes verò
hujus Juris materias cum, secundum Bocerum in tract.
d. Invest. partit. non infimum locum obtineat qvæ est
de feudi investitura, Expectativa autem (de qva dispu-
tatio nostra conscripta est) ad Investituram vulgo refe-

ratur Dn. D. Svevus Exere, feud. VII. assert. 3. & nos o-
peræ pretium facturos esse existimo, si materiæ hujus
tractationi, tanquam rei cognitu maximè necessariæ &
ad communem vitæ utilitatem spectantis, plusculum
temporis impendamus. Licet autem satis intricata in-
finitisque fermè difficultatum mæandris circumsepta
sit, ut facilè inde præsciverim, me minus concinnè de
ea disserturum esse, nolui tamen idcirco proposito su-
perfedere, cum etiam aliquid sit prodire tenus, si non
datur ultra: Fragrosa insuper plerumqve spinosa sunt.
Et levium metallorum fructus in summo est, illa opu-
lentissima sunt, quorum in alto latet vena, assiduè ple-
nius responsura fodienti. Quare in parentissimas con-
suetudinum harum oras me conferre, & materiam hanc
aliàs longè lateqve patentem aliquor assertionum can-
cellis includere, placidæqve disceptationis alex, majoris
informationis ergo submittere constitui. Quod ut fe-
licius suscipiatur, facilius dirigatur, ac optatius perfi-
ciatur,

Heu ex axe poli venias Trinuna Potestas,
Lumine corda regas, Numine corda tegas!

ASSERTIO

I.

His ita præfationis loco, secundum illud J Cui in pr. ff. d. O. J.
præscriptum, præmissis, protinus ad ipsam præsentis mate-
riæ tractationem absque longiorib. verborum ampullis prosthie-
mus; si prius de Investitura, mellioris cognitionis ergo, quam be-
nè vel malè ipsa hæc nostra istius speciebus connumeretur Expe-
ctativa, quâ ratione Investitura adhuc dici queat, quosqve inde
effectus fortiaturs &c. aliqua præmiserimus.

II. Cum verò nihil in rerum naturâ explicari, nihilqve de-
monstrari possit sine sermonis verborumqve rem significantium
bene-

beneficio, & in omni, præcipuè vero Juris nostri arte, rerum potior, verborum autem prior habeatur ratio l. i. ff. d. J. & l. i. ff. §. 1. d. suspecti. Tut. l. i. ff. d. reb. cred. &c. in notationem vocabuli Investitura prius inquirendum puto.

III. Quod itaq; originem vocis attinet, nonnulli Germanis tribuunt, derivantq; à vocabulo vest/ vesten/ vestigen/ ita ut vestire sive investire sic confirmare, stabilire, quasi investen & investitura, confirmatio quasi investung Schnob. Disp. feud. §. th. 2. Ling. p. Exerc. feud. 4. th. 2. Bocer. l. c. cap. 1. n. 15. à qvâ origine titulos quoque vest/ Ehrenvest/ quasi retinens & servans honores, quidam deducunt. vid. Dn. D. Svevum Exerc. feud. 7. ass. 2. Schulz. l. c. cap. 9. n. 3. Alii latinis acceptum ferunt vocabulum, ut sic à latino vocabulo veste, investire, aded, ut sicut homo vestibus vestitur, ita Vassallus quodammodo feudo per ejus traditionem vestitur; ad instar vocabuli immanare in historiis Longobardorum pro investire usurpati, à vestimenti quodam genere in collatione feudi plerumque adhibiti; sicut è contra devestire in Jure Feudi significat aliquem feudo exuere & privare. 1. F. 7. l. Vultej. lib. 1. de feud. c. 7. n. 4. Svevus Exerc. cit. Struv. Synt. Jur. feud. cap. 8. aph. 1. ibi in exeg. Schulz loc. cit. Carpz. disp. feud. 6. posit. 2. cum quibus & nos facimus. Propterea autem prioris sententiæ defensores tam acriter pro Germanis pugnant, quoniam, cessò alterius alicujus nationis lingvæ vocis Etymò, & ipsi ipsius rei origini, quam tamen hætenus Feudistæ fermè omnes unanimiter Germanis adscripsère, decedere quid putant. Verum huic dubio ex asse satisfecit Beierus in suis ad Schnob. loc. cit. addit, *Quicquid demum sit de vocis Etymo de eo satis constat, quod Investitura significet solennem aliquam Juris cujusdam quodam re conceditur vel qualitatis, quæ personæ tribuitur confirmationem vel collationem, ut optimè infert Struv. loc. cit.*

IV. In Jure autem nostro Feudali tribus potissimum accipitur modis. Vel enim denotat (1.) Scripturam sive instrumentum super Investituræ actu consignatum germ. Ein lehen. Urtheil/ 2. F. 2. §. 2. 2. F. 8. 2. F. 18. 2. F. 58. vers. idcirco &c. Vel (2.) ipsam possessionem 2. F. 2. vel deniq; (3.) & frequentius ipsum investiendi actum significat, germ. Die Belehnung oder lehen. Empfangniß

1. F. 25. 2. F. 1. in f. 1. F. 2. 2. F. 11. pr. & 1. F. 33. quæ significatio investituræ genuina est Schulz. loc. cit. n. 4. Svevus l. cit. Vultej. cit. l. n. 5. & alii. Et commodissime ad hunc ipsam actum signandum vocatur Investitio 1. F. 26. & 28.

V. Describitur juxta postremam acceptionem Investitura: Traditio & cessio Feudi solennis per quam Dominium feudi Vasallo fidem promittenti utile acquiritur Vultej. 1. F. 7. n. 6. Svevus. l. cit. Carpz. cit. loc. vel secundum Bocerum c. 1. n. 1. aliosq; : actus solennis quo Dominus Vasallo fidelitatem promittenti feudum cedit. Per contractum definiunt nominatum quidem & bonæ fidei Schnob. cit. disp. th. 3. innominatum vero & stricti Juris Ungep. cit. disp. th. 1. & qui ipsos sequuntur. Quibus se se opponunt Dn. Svevus & Struv. II. cit. qui videri possunt.

VI. Prætermisâ brevitatæ studio & quoniam hanc de Investitura materiam in tantum saltem in quantum ad propositum nostrum facit tractandam suscepimus, uberiori explicatione distinctionis Investituræ, quâ in Novam & Veterem dispescitur, & illa, per quam primò feudum quæritur germ. Die Lehens-Empfangnuß; hæc renovatio Investituræ germ. die Lehens-Werneuerung ab Autoribus indigitatur: quæ aliàs omni dubio caret. Svev. loc. cit. assert. 3. nos cum Carpz. Disp. cit. pos. 3. Struv. loc. cit. Schnob. Disp. cit. th. 4. Svevo cit. loc. Rosenthal. cap. 6. concl. 2. & 3. Schrad. part. 5. cap. 2. & 3. aliisq; eandem in Propriam & Abusivam distingvimus, ita ut sit:

VII. Propria Investitura: quâ, verâ rei feudalistraditione & possessio & utile ejus Dominium in Vasallum transfertur.

VIII. Abusiva sive impropria: quâ per hastam vel aliud quoddam corporeum rem feudalem repræsentativum utile feudi Dominium in Vasallum transfertur.

IX. Probamus hanc nostram divisionem ex. c. un. 2. F. 2. Et licet Vultej 9 1. F. 7. n. 10. expressum hunc textum impugnare aggressus sit, per exemplum emtionis venditionis. Tanti momenti tamen haud erunt ejus inde petita argumenta, ut, quod vult, evincant; cum planè diversa ratio sit in emtione venditione quam in Investitura, uti ex hoc capite refutatur etiam à Da. Bocero c. 1. n. 81. d. Invest. Bene Dn. D. Svevus loc. cit. assert. 3.

Cum

Cum & rem ipsam habeamus in jure Feudali, duplicis nimirum Investitura, quarum altera reali traditione & in possessionem inductione, altera bastâ vel aliò aliquo corporeo signò traditionem representativo fiat, ipsas quoq; appellationes expressas habeamus, illam, quidem Investituram propriam dici, hanc vero abusivam z. F. 2. utiq; & rem & appellationem, quæ moribus & tempore sedem suam inter feudaliam fixam habet, & omnium Juris Feudalis. Interpretum catholica est, pro lege retinemus, non attentis, quæ ex Logicorum præceptis opponit Vultejus.

X. Circa propriam Investituram adhuc notandum est, quod præter veram traditionem, (quæ, uti in rebus mobilibus, fit, cum res de manu in manum traditur; ita in immobilibus, per in fundum inductionem,) fictis ea quoque tradendi modis nonnunquam peragatur. Interim eodem planè effectu, ac per verum tradendi modum si fiat; quia ficta illa traditio v. c. si fundi vacuum possessionem de turri demonstraverit tradens, in jure pro verâ habetur v. l. 18. §. 2. L. 1. §. si jusserim ff. d. acqvir. vel amitt. poss. Huc quoque pertinet, si Dominus alicui coram paribus curiæ dixerit, *Vade in possessionem illius fundi & teneas illum pro Feudo.* Licet enim non intercessit investitura, tamen tale est ac si intercessisset z. F. 33. h. e. licet possessio verè per inductionem in feudum in Vasallum translata non esset, *quod tamen tale sit ac si intercessisset*, h. e. ac si realiter in feudum inductus esset; quia ita Voluntate Domini possessionem fundi nactus est, feudi nomine. Sicut & pro vera investitura ac translatione in Vasallum possessionis habetur: quando aliquo tempore, Domino præsentem & non contradicentem, servitiumque ejus inde quasi à Vasallo recipiente, aliquid loco feudi possedisse quis probaverit. cit. tit. 33. Quibus non obstat l. 5. ff. d. acq. poss. ibi enim ut & C. eod. l. 7. improba saltem possessio, quæ contra Voluntatem Domini quis possessionem alicuj rei nactus est, rejicitur; in nostro autem casu Dominus tacens nec occupanti repugnans consensum præbuisse suum videtur l. 142. ff. d. R. j. juncta l. 12. ff. d. Sponsal. Vide. Struv. l. cit. aph. 11. ibi in Exeg. alios.

XI. Cæterum per investituram propriam Dominium utile & possessionem in Vasallum transferri, sicut omnes faciliè concedunt;

dunt; ita plurimi è contra abusivâ utrumq; planè denegant. Cum autem hâc ratione omni effectu, respectu contrahentium penitus destitueretur, nudaq; potius esset Solennitas & purus verborum lusus sine re, quod utiq; contrahentes voluisse minimè putandum, ipsi scilicet nostrum hâc in parte adicere haud possumus. Sanè qui ita dicit: Investio te de hoc feudo, idq; coram testibus legitimis dicit, omnia præterea solennia Investituræ adhibet, non potest non aliud velle quam nudam solennitatem sine effectu. Ne autem id solis rationibus contra leges adstruere videamur, militat pro nobis textus 2. F. 8. §. Rei autem. Ubi Vassallus simul ac investitus est, à quolibet possidente, tanquam Dominus vindicare potest. Qui textus utiq; Dominium aliquod præsupponit, cum ex solâ obligatione nulla detur rei vindicatio §. Omnium autem actionum J. d. Act. adde 2. F. 88. Qui ambo textus expresse probant, Dominium sine possessione acquiri optimè posse. Acquiritur itaq; Vassallus ex Investitura abusiva, quamvis non possessionem, utile tamen Dominium, Quoad possessionem autem, quamvis ipsam Vassallo denegent, præclaros tamè alios effectus leges feudales ipsi tribuunt. Cogitur enim Dominus ipsum si facultatem tradendi habeat, mittere in vacuum possessionem nec præstando interesse liberatur 2. F. 26. §. si facta. Ipse præterea Vassallus vacuum possessionem nemine resistente, propria autoritate, ingredi potest; cum intelligatur tacitam fuisse Voluntatem Domini abusivè aliquem investientis, quod eundem etiam voluerit feudi possessorem. Id quod approbat quoq; Jus feud. Sax. cap. 57. vers. Untertwinder sich aber auch der dem das Gedinge oder Anwartung om Guthe zuvor geliehen wahr/ eher denn der Herr/er verleuert damit nichts &c. junct. ab. Gloss. lit. d. & Gloss. LehñX. c. 10. sup. verb. Wenn sich aber der Herr wegerte lit. e. cum similibus, referente id Dno Schulz. l. cit. c. 9. n. 9. 10. 11. &c. Vide plura ap. Dn. D. Sævum l. cit. assert. 4.

XII. His ita præliminariter quasi perspectis, ad materiam ipsam Disputationis nostræ progredimur. Dicitur autem Expectativa ita ab effectu conditionis, ejus existentia est expectanda. Hinc germanicè dicitur Die Anwartung / LehñX. c. 55. vers. ult. Ein Geding / LehñX. c. 7. & 57. & passim à DD. Etn Expectanz / &c. hens.

hens Expectantz/ Anwartschafft/ Anwartsung auff eines andern Le-
hen/außgebehen Lehen. Ein Gnaden-Lehn/ qvonia ut plurimū
bene meritis à Principibus conceditur. Vocatur item Investi-
tura in casum mortis, caducitas successione, siue successio ca-
ducitatis ein Angefall it. Superinféudatio, qvōd alteri alterum
Vasallum qvāsi superaddat, & superinféudet Dominus; & qvā-
alix ab Autoribus passim recensentur denominationes. Struv. cap.
7. aph. 4. ibi in Exeg. Schnob. Disp. feud. 5. th. 27. Beierus ad h. l.
Svevus cit. disp. assert. 9. Vultej. r. F. 7. n. 65. &c.

XIII. Definitur Struvio in genere Expectativa cit. loc.
qvōd sit jus succedendi in feudum à Domino sub conditione, si
ad ipsum redierit, etiam sine consensu Vasalli possidentis, pro-
missum. Qvā definitio per omnia huic nostrā, de qvā in Specie
in nostrā hac Disputatione agimus, Expectativā commodissimē
applicari potest, unico addito modo certo, ut sit: Jus succe-
dendi in feudum à Domino sub conditione si per mortem Va-
salli sine legitimis successoribus decedentis ad ipsum redierit,
etiam sine consensu Vasalli possidentis, promissum. Qvā addi-
tio, qvīd operetur, infra videbimus.

XIV. Et rectē qvīdem dicitur Jus succedendi promissum,
qvā & promissio potius est de investiēdo qvā ipsa Investitu-
ra. Qvōd etiam vult Rosenth. qvādo cap. 6. concl. 7. n. 4. & 5.
Ille, inquit, *abusivē vocat Investiturā, qvā revera non est, sed
saltem promissio de investiēdo. Promissio autem de inféudando,
non statim est Investitura; qvīppe qvā vel acquiritur feudum ple-
nariē una cum possessione, vel ejus tamen utile Dominium,
qvōd sanē de hac nostrā promissione dici haud potest; cum &
possessione & utile Dominium penes Vasallum pristinum adhuc
maneat. Qvāpropter nec Dominus qvōq; alterum in pos-
sessionem mittere potest, nisi cum consensu possessoris r. F. 3. nec
solemnia insuper in Investiturā aliās adhiberi solita, nec pares et-
iam de necessitate requiruntur, Rosenth. cap. 6. concl. 6. & ibi
gl. Sed sufficit instrumentum vel literā manu sigillovē Domini
corroborata germ. Die Angefalls Beschreibung it. Expectantz-
Schēn; per qvās etiam non vero breve testatum durch einen Le-
hen-Vrieß oder Wuthzeddel in Cancellariis Principum expediri
solet, tali fermē formula: Wir M. N. bekennen und thun fund/
daß*

daß wir Unfern lieben Getreuen N. N. auß sonderm Gnaden/damit
 wir ihm geneigt sind/und in Ansehung seiner unterthänigen getreuen
 und nützlichen Dienste/ die Er Uns bißher vielfältig bewiesen / und
 Uns (und unsern Erben) forthin wohlthun soll und will/ gnädiglich
 zugesagt und bewilliget/sagen zu und bewilligen auch hiermit und in
 Krafft dieses Brieffs vor Uns und Unsere Erben ihn mit den Dorff
 N. welches unser auch lieber Getreuer N. N. von Uns zu Lehen
 tragen/so bald daselbe Uns/ als den rechten Lehn-Herrn wiederum
 heimfallen möchte/(ita generaliter concipitur Expectativa, specia-
 liter sic : So fern gewelter N. N. ohne Lehn- Erben verster-
 ben / und also dasselbe Uns/ als den rechten Lehn- Herrn wiederum
 heimfallen möchte) gnädiglich zu beleihen und zu begaben / welches
 Er auch alsdann von Uns zur Mann-Lehen empfangen / bemannen
 und bedienen/auch derowegen Lehnspflicht thun soll / Immassen be-
 nanter N N. und seine Vorfahren allwege vorhin gethan / und sich
 laut der alten Lehen-Briefe zu thun gebühret / treulich sonder Ge-
 fehrt/zu Uhrsund &c. Schulz. dict. c. 9. n. 47. Ex qvâ formulâ
 facilè constat, investituram demum post conditionem existen-
 tem petendam esse; ex verb. Er auch alsdann von Uns zur Mann-
 Lehn empfangen/it. ihn mit den Dorff zu belehnen &c. In casu au-
 tem qvo intervenit simul Investitura abusiva puto taliter quali-
 ter, qvamvis non ut Expectativam, sed tamen ut Expectativam
 Investitura abusiva corroboratam, Investituram adhuc dici pos-
 se, qvâ & tunc effectus qvoque conditione existente capit abusi-
 vâ Investiturâ. Qvo collimare videtur Rosenth. cit. concl. 6. n. 4.
 ubi dicit: *Hic jam collectis poslinveni Hartm. Piss. id ante me scrip-
 sisse q. jur. lib. 2. p. 2. q. 30. n. 4. & multis seqq. ubi præcipuè agit, si a-
 licui feudum vivens in casum mortis sine parium presentia promif-
 sum sit, promissionem illam subsistere; Quod admitto, nisi per abusi-
 vam Investituram sine parium presentia hoc promississet. Quem ca-
 sum intelligi qvoque puto quando in Tit. 26. F. 2. & alibi Expecta-
 tiva INVESTITURA dicitur. Possset etiam, ut ultimo loco hoc ad-
 dam, Investitura dici conjunctim sumtis vocabulis Expectativâ
 & Investiturâ, ita ut non simpliciter dicatur Investitura, (nec e-
 nim ad ullam Investiturarum speciem, & hoc modo, referri po-
 test,) sed Expectativa Investitura, hoc est, qvâ in alterius feudum
 expectatur, conditione, sub qvâ promissâ, existente perfici-
 enda;*

cienda; *Etne* Antwartende Investitur; sicut & germ. dicitur *Etne* Antwartens. &ehn/ ob eam rationem quod expectetur.

XV. Requisitum Expectativæ est, ut fiat sub conditione, si feudum revertatur ad Dominum, purè enim facta talis Investitura non valet. l. 9. 2. F. 35. nisi Vasallus feudum possidens huic Investituræ consenserit Schrad. part. 3. c. 2. n. 19. Bocer. c. 5. n. 15. quamvis & eo modo in simultaneam potiùs degeneret Investituram, quam amplius expectativa nominanda ut sit, vid. Dn. Struv. cap. 7. aph. 5. in Exeg. n. 2. Adeo autem hanc sententiam, quod nim. purè facta Expectativa non valeat, veram esse asserit idem Struv. l. cit. n. 5. in Exeg. *ut etiamsi possessor sine liberis decesseris, non tamen Investitura purè facta robur accipiat, nec Dominus inde obligetur: quis quod initio non valet, non potest tractu temporis convalescere* l. 29. de R. J. *Et quæ ab initio inutilis fuit institutio ex postfacto convalescere non potest* l. 110. eod. Excipiunt quidem à Vultejo 1. F. 5. n. 13. citati Bald. & Alvarot. duos casus, (1.) Si investitura facta sit stipulatione interveniente. (2.) Si investitus Vasallus novus possessionem feudi nactus fuerit. Verùm Respondetur (1.) ex ll. cit. d. R. J. & deinde cum Vultej. cit. l. Tolle ita differentiam inter purè & sub conditione factam Investituram, quæ tamen accuratè distingvitur, cit. cap. 35. Feud. lib. 2.

XVI. Promissionem hanc feudi alieni, cum primis eam, quæ in casum mortis certi Vasalli possessoris concipitur planè illicitam, iniquam & injustam quidam esse statuunt, quos referunt Struv. c. 7. aph. 5. lb. in Exeg. n. 3. Carpzov. disp. cit. 6. posit. 36. Schulz. cap. 9. n. 46. in f. & Bocer. c. 5. n. 15. seqq. Argumenta autem ipsorum sunt (1.) quod Jure Civ. prohibitum sit pacisci de successionibus & hereditate viventis l. f. C. de Pact. (2.) Quod inducat captationem mortis alienæ, & taliter investitus desideret mortem proximi; cujusmodi pactiones odiosæ & plenæ tristissimi & periculosi eventus ac contra bonos mores esse dicantur Jure Civ. cit. l. ult. Hinc Vultej. 1. F. 7. n. 65. argumentatur: *Pactum, quod alterius mortis captande votum & occasionem præbet, est contra bonos mores, adeoque illicitum: Ejusmodi est pactum, quod fit in Investiturâ factâ sub conditione, si Vasallus decesserit. Est igitur contra bonos mores adeoque, illicitum.* Maj. probat ex cit. l. ult. Min. ex corruptâ hominum naturâ inordinatoq; sui ipsius amore desumit. (3) Adducunt Jus Can. ut-

pote quo ejusmodi concessiones præbendarum rejiciantur c. 2.
 d. concess. præb. & c. 23. eod. in 6. Verùm R. ad primum : Dispu-
 tari ex diversis principiis. Deinde planè diversus à nostro ibi pro-
 ponitur casus; cum de alienis rebus ibi fiat dispositio, quod testan-
 tur ultima legis verba: *Cum in alienis rebus contra Domini volun-
 tatem &c.* in nostro autem casu Dominus non de rebus alienis sta-
 tuat, aut quæ possidentis propria sunt, quæ ratione aliàs Jur. Civ. ta-
 lia passæ quasi votum captanda mortis (alterius) inducentia impro-
 bantur, sed de suis rebus quondam scilicet ad se reversurus. Spem verò
 futuræ actionis vel rei, sibi competitura transferri posse non immerito
 placuit l. 3. C. d. donat. Un. D. S. evus cit. Disp. adest. 3. Schrad. part. 3.
 cap. 2. n. 17. in f. Denique feudum non est hereditas pars; de feu-
 do ergò pacificantes de hereditate pepigisse non dicendi Beier. ad
 Schnob. Disp. 5. th. 27. Ad (II.) facile responderi potest: Fit enim
 hoc non per se, sed per accidens; & si propter abutum alicujus rei
 verus ejus usus tollendus esset, certè multa, quæ aliàs maximum in
 vita communi usum præbent, è medio essent tollenda, nec ultima
 testatio valeret, nec donatio mortis causà; quia & hæc pactio-
 nes ex accidenti occasionem mortis alterius captanda secum ducunt,
 Et, *quid est in usu hominum bono ac licito, unde non possit etiam per-
 niciis irrogari*, inquit Augustin. c. 8. fin. in q. 5. XXIII. Certè solem
 ipsum è mundo tollere necesse habent tales scrupulosi nimis, ne
 & inde occasionem iterum sumant homines, quod olim Ethnicos
 fecisse constat, adorandi eum. Argumentum Vultesi, præterquam
 quod alii multi ipsi satisfaciant DD. ipse in fin. cit. n. refellit h. m.
 Et si verò hic etiam desiderium mortis Vasalli subsit (per accidens) non
 est tamen metuendum, ut is, qui sub conditione illà investitus est mor-
 tem Vasalli sit acceleraturus, quod periculum Justin. in dist. l. fin. ca-
 vere voluisse videtur, siquidem existimarem, investitum sub conditione
 illa jure suo omnino privandum, si mors Vasalli ipsius factò aut culpa
 acceleraretur: (adde quod hoc ob minimam etiam suspicionem
 insidiarum Vasallo structarum fieri possit. Beier. ad Schnob. cit. l.)
 Et vero tanto minus id periculum hoc casu metuendum est, quoniam
 investitus ex conventionione certus est, quod feudum in casum mortis
 Vasalli obventurum sit ipsi vel heredibus, quod non est in eo, qui ha-
 bet spem successionis in hereditate, utpote quæ factò ejus, cujus bona
 sunt, facillimè auferri possunt. Quod etiam mutatis mutandis &

exteris paribus ad argumentum (III.) ex Jure Can. petitiu[m] re-
 sponderi potest; præterquam quod Jure Can. huc non spectet or-
 dinatio, quod agat de beneficiis Ecclesiasticis; quæ sanctè extra
 omnem occasionem mortis captandæ acquirenda esse statuit hoc
 Jus. Struv. l. cit. n. 4. in Exeg. in f. Cum itaque hujusmodi feudum
 promissio neque per se, quod supra probatum; neque moribus;
 quod iidem citati cxx. J. F. demonstrarunt; neque Jure Civ. quod
 probant l. 25. & 38 ff. de usufr. talem de usufructu dispositionem
 permittentes; neque Jure Can. quod jam dictum; neque feudali
 Saxon. illicita sit, confirmante id cap. 5. *Lehn*. Zwischen Man-
 nen mag der Herr ein Guth leihen/ also daß einrer die Gewehr daran
 habe/ der ander das Geding/ also/ ob dieser/ so die Gewehr hätte/
 ohne Lehn. Erben stürbe/ daß der ander sein Geding daran befiel-
 te/ & cap. 57. *Lehn*. Isther ein Herr Frauen oder Mannen ein Geding am
 Guth/ das eines andern ist/ stürbt denn dieser/ der es besitz/ und in
 Gewehr hat/ so ist die Gewehr des Guthes erstorben (mit sonst den
 Guthen) an dem/dem das Geding geliehen war/ it. Novell. Illustriss.
 Elect. Sax. August. part. 2. Const. 45. nec præterea ex ullo Jure
 naturæ præscripto deduci possit iniquitas talis Expectativæ; & nos
 licitam, æquam ac justam eam esse asserimus, firmiterque statui-
 mus; modo non, ut supra monitum est, purè fiat, sed sub prædicta
 conditione.

XVII. Ex hac autem conditione resultat ipsius Expectati-
 væ commoda satis divisio, quæ alia dici potest generalis, alia spe-
 cialis: Generalis, quando de incerto; quod primum omnium aperi-
 riatur, feudo Vasallo facta est promissio; & dicitur Jure Feud. Sax.
 c. 7. Ein *Irrelehn*/ ein irre und ungewiß Geding &c. c. 55. Anwar-
 tung an eines unbekanten Mannes Guth; Specialis: quando re-
 spectu certi & nominati feudi Vasallo sit promissio: & vocatur
 dict. c. 7. ein benant Geding/ & c. 55. Anwartung an eines benanten
 Mannes Guth. Huc referri etiam potest, & quidem ad genera-
 lem, quando quocunque modo; & ad specialem, quando sub cer-
 to modo, puta per mortem vel feloniam si aperiatur Vasallo de
 successione à Domino sit promissio, quæ ultima sub modo mor-
 tis Vasalli sine liberis hujus loci est.

XIX. Nec vero effectui suo hæc nostra destituitur divisio.

Primò enim si in genere, quodcumque primùm ex omnibus aperiatur alicui promissum sit feudum, teneri Dominum stare illi promissioni, ex Jure non tantùm Feud. communi, verùm etiam Saxonicò probari asserit Vultej. 1. F. 7. n. 67. & citat in suam sententiam Pist. q. 25. n. 36. Fachin. 7. Controv. 28. & Rosenth. 4. F. 9. n. 4. Deinde ob specialem certi ac nominati feudi promissionem Dominus obligatur Vassallo, vel ad tradendam rem, si conditio existerit, & facultatem aliàs tunc tradendi habuerit; vel ad interesse: Si vel possessor feudum promissum ex natura & pacto feudi, ignorante hoc cui promissum, alienaverit; vel Dominus ipse alienari permiserit; vel existente quidem conditione, ante traditionem tamen alium in possessionem miserit; vel etiam e. gr. fundum Tusculanum, post mortem Titii Vassalli aperiendum & devolvendum alicui promiserit, (ut si dixisset: *post mortem Titii feudum mihi aperiatur, quod tibi promitto*;) postea autem appareat, superesse adhuc alios masculos, hujus Feudi post Titium ex primâ Investiturâ capaces, vel id esse fœmineum, ille autem cui promissum erat hoc ignoraverit, &c. Rosenth. c. 6. concl. 9. & 18. & qui alii casus circa hanc materiam emergere possunt, quibus Dominus ipse obstaculo est, quo minus is, cui feudum promisit, illud consequi possit.

XIX. Ex altera generalis promissionis specie, si simpliciter dixerit Dominus: *Dabo tibi quando aperiatur vel si aperiatur*; quoniam tanquam in indefinita locutione omnes casus apertionis quomodocumque fiant complexus videtur, & indefinita aliàs regulariter universali æquipollet, Rosenth. d. c. 6. concl. 19. num. 7. simpliciter quoque obligatur Vassallo ad tradendum feudum, quomodocumque sive per feloniam sive per mortem ad ipsum perveniat. Circa ultimum autem divisionis nostræ membrum notandum: *ante omnia mentem contrahentium diligenter attendendam & porro verba exactè inspicienda esse*, Rosenth. d. n. 7. Si enim Dominus feudum ita promiserit: *Si Titius id commiserit*; & id is non commiserit, sed ob defectum agnatorum feudum ad Dominum devolutum sit, vel etiam aliud, quam in quod compromissum erat, facinus commiserit, frustra id exigetur; cum conditio,

titio, quæ secundum mentem contrahentium Titii possessoris personam & certum aliquod feloniam genus respiciebat, non extiterit; secus si dixisset: *Si per feloniam feudum istud mihi aperietur*; tunc enim quia certa persona non denominata, feudum vero certum indigitatum est, tamdiu is, cui ita promissio facta, & heredes ejus, si tempore ipsius vitæ conditio non extiterit, ad feudum tali modo promissum jus & spem succedendi habent, usque dum aliâ ratione v. gr. per refutationem aut casum deficientiæ ad Dominum pervenerit. Si autem nullâ certâ feloniam determinatâ specie de certâ tamen personâ Dominus dixerit: *Si hic Titius feloniam commiserit, promitto tibi ejus feudum*, tunc quodcumque commiserit Titius, Dominus promissionem adimplere tenetur, mortuo autem Titio & ad heredes ejus feudo devoluto, Dominus amplius ei obstrictus non est, quamvis maximè deinde per feloniam heredum Titii sibi apertum sit, quia semel conditio, quæ feloniam in certa Titii personâ requirebat, una cum morte ejus evanuit, amplius non extitura. Par ratio obtinet quoque in nostro casu, quando Dominus feudum alicui per mortem Vasalli sine liberis sibi obventurum promittit, tunc enim si aliâ ratione v. gr. per feloniam sibi apertum sit, non tenetur promissis stare, quamvis maximè deinde post amissum feudum sine liberis moriatur Vasallus. Contra ac sentit Vultejus 1. F. 7. num. 71. Rationes ejus potissimæ sunt: Quod conditio existat, si Vasallus feudo privatus postea sine liberis decederet; quod facto alterius nemo prægravari debeat; præterea quod stet per Dominum, quo minus impleatur conditio; quod non procederet &c. Verùm respondetur ipsi à Struv. cap. 7. aph. 5. num. 8. in Exeg. & Rosenth. supra cit. l. (qui quidem excusationem ipsius suscepisse videtur, sed videtur, cum in toto sermone capite occupatus sit in eo refutando) Ubi inter alia, *Occurrit mihi contra hæc*, inquit, *quod Titii factum propter ea noccat, quia conditio sive modus in ejus personam collatus est, nec Dominus ejus implementum principaliter impedit, sed saltem in consequentiam, cum Vasallus delinquit, ei adimit feudum, quo casu fallere videtur regula: cum non stat &c. præsertim ubi dolus certus maneret ita impunitus*. Et circa finem hujus cap.

cap. *quod conditio voluntaria solum specificè & non per æquipollens implenda sit*, contra ipsum Vulcejum limitantem hanc regulam, asserit. Manet igitur sicina hæc nostra sententia, quod Dominus concedens feudum, sub conditione, si Vassallus possessor, herede feudali non relicto decesserit, non simpliciter in casum cuiuslibet aperturæ feudum concessisse, sed potius jus ex feloniam aliisque conditionibus sibi competens integrum servasse intelligatur. vid. Struv. loc. cit. Et hoc est, quod supra in definitione dicturi eramus; distinguitur nempe ita, & per hoc unicum ab omnibus reliquis, quomodocunque concedantur, Expectativa- rum speciebus, hæc ipsa nostra in casum mortis Vassalli concepta Expectativa: In cæteris conveniunt.

XX. Sed an valeat quoque talis Expectativa in casum mortis Vassalli filios feudi successores tempore promissionis habentis concessa, adhuc controvertitur. Negant Schrad. part. 3. cap. 2. num. 20. Vulcej. 1. F. 7. num. 68. in f. Boccr. c. 5. num. 17. Affirmant Struv. loc. supr. cit. num. 10. in Exeg. Svevus assert. 9. Schulz. cap. 9. num. 53. Nos ab affirmantium parte stamus (1.) ob textum feudall. generalitatem, in primis 2. F. 35. ubi expressè dicitur, investituram sub tempore vel sub conditione, quo feudum sibi aperiatur factam valere. (2.) Quia conditio in casum deficientiæ demum operatur Dn. Sjev. l. cit. (3.) Quia usu & praxi approbata hæc nostra sententia est, ac confirmata. vid. Schulz. cit. l. & ibi allegat. Pist. lib. 2. quæst. 25. num. 20. cujus argumenta recenset quidem Vulcejus dicto loco, sed an Fachin. satisfaci- ant, affirmare non audet. (4.) Quia quamvis multos liberos habeat Vassallus, tamen ante ipsius mortem haud dici potest, an sine herede an herede relicto diem suum obiturus sit, ob factum, quod nemo mortalium declinare potest; Sicut nec certò affirma- re potes, quod is, qui eo tempore, quo alteri in casum deficientiæ feudum ipsius promittitur, nullos liberos habet, sine illis etiam decessurus sit; cum florentissimas familias sæpè unius anni spacio planè decrescere, imò nonnunquam etiam penitus interire, interitui è contra proximas vires reassumere & in sum- mas amplissimasque familias efflorescere iterum quotidie vi- deamus.

XXI. Quod si autem Vasallus feudi illius possessor, ejus Expectativa concessa est, tempore quidem promissionis nullos liberos habeat, postea autem susceptis liberis ac superstitionibus morietur, quæritur an tunc Expectativa adhuc valeat? Quod quidem, ut in casu supra assert. 19. proposito, optimè quoque hic decidi posse existimo ex mente & verbis contrahentium; Aut enim conditio respicit certam personam Vasalli aut non respicit: Priori casu, cum v. gr. Dominus simpliciter dixit: *Dabo tibi feudum si Vasallus ejus possessor sine legitimis successoribus decedat*: extra dubium est, quod tunc mortuo Vasallo relictis successoribus, & ipsa Expectativa in ejus feudum concessa protinus evanescat; Deficiente enim dispositionis conditione, etiam ipsa dispositio deficit, l. 8. ff. d. peric. & commod. rei. vend. & §. pretium vers. si autem ille. J. d. Empt. & Vend. Unde DD. dicunt, *si conditionalis dispositio affirmet, conditione cedente: ea deficiente, neget*, & e contra. Bocer. d. Invest. cap. 5. n. 19. Quem casum intelligi quoque puto, quando in Jure Feud. Sax. cap. 20. dicitur: *Wenn der Sohn der nach des Vaters Tode lebet also lang / daß man seine Stimme gehören mag in den vier Wänden des Hauses / so ist er beerbet / mit seines Vaters Lehn / und hat es entführet allen denen die Beding daran hätten* & cap. 72. vers. *Stirbt ein Mann in Land R. lib. 1. art. 33. vers. Wenn es lebet nach des Vaters Tode / so werden die Lehen und Beding des Herrn den wieder ledig &c.* Posteriori autem casu, quando v. gr. dixit Dominus: *Promitto tibi hoc feudum, quandocumque, per mortem Vasalli sine heredibus ad me pervenerit*: Expectativam, quamvis maximè relictis heredibus moriatur Vasallus, firmam tamen adhuc, quousque omnes liberi decesserint, manere nemo negabit; siquidem & ipsa conditio tunc non deficit, sed in suspenso saltem relinquitur, exitura vel post centum etiam annorum spacium, nisi interim alio modo Domino apertum sit feudum, vel ille, cui promissum, cum tota sua familia extinctus sit. Sicuti & eo casu suspenditur solum conditio, quando Vasallus possessor feudi uxorem relinquit prægnantem. vid. Vultej. 1. F. n. 69.

XXII. Prioris tamen generis Expectativa, quæ scilicet facta est in casum mortis certi Vasalli; (alteram enim, quæ personam

Vasalli non respicit, licet nati sint post concessam Expectativam supervivantq; Patrem liberi, tamen non infirmari aliàs ex præced. assert. patet) ex eo capite non infringitur, stante mortem Vasallus liberos generet; (modo non Patrem supervivant,) edò quod nihilominus fieri possit, ut Vasallus remoto illo obstaculo sine liberis moriatur, & ita conditio impleatur. *Ea enim tempus moris Vasalli respicit, nec quicquam ei, cui promissum est feudum, officit, si quid ante mortem Vasalli fiat, ex quo conditio illa deficere videatur* Vult. l. cit. Dn. D. Sjev. disp. 1. cit. assert. 9. Carpz. disp. cit. pos. 38. Schulz. l. cit. n. 52. Boccr. loc. cit. Schrad. part. 3. cap. 2. n. 20. vers. Si tamen eo tempore & sequenti. Qvod & clarè decedit Jus feud. Sax. dict. cap. 20. *Der Sohn der vor den Vater stirbt/der ist kein Lehn. Erbe / wenn er mit den Lehn nicht beerbet ist/darum so bricht er niemand das Beding/das ihm an des Vaters Gutß zugesaget ward &c.*

XXIII. Nec ad hoc ut valeat Expectativa, consensus Vasalli possessoris, ut jam supra in definitione dictum est, requiritur: Cum (1.) Vasallo viventi nullum detrimentum per eam inferatur, quâ ratione utitur Feudista 1. F. 27. in f. (2.) promissio ista in casum eum, quo ob deficientiam Domino aperietur feudum, concipiatur, ut nulla inde subesse possit præsumptio maligni consilii. (3.) nec ullum Jus in re ita conditionaliter investito tribuatur, cujus intuitu consensu ipsius Vasalli opus esset. (4.) nec de rebus Vasalli, sed Domini, aliquando ad ipsum reverturis disponatur (5.) Textus feudales expressè id probent: 2. F. 26. §. Morib. ubi feudista, *In tali Investitura*, ait, *consensus ejus de cujus feudo fit exquiri non oportet* & cap. 35. 2. Feud. ubi habetur: *sub tempore vel conditione, quâ feudum sibi aperiat, valebit Investitura etiam sine Voluntate Vasalli facta* (6.) Jure Feud. Sax. etiam comprobetur Lehn R. cap. 10. pr. *Egliche Leute sagen daß man kein Beding jemand leihen möge/man bitte denn den darum der das Gutß in gewähr hat/das ist doch nicht &c. & ibi: daß man das Beding an einen Gutß ohne des Willen / der das Gutß in Besiz und Gewähren hat/verleihen möge.* Deniq; (7.) etiam praxi ipsa confirmetur; ut videre est ex eleganti in hanc rem præjudicio in Scabinatu Lipsensi in causa Heinrich von Verbsdorff / 1630, mensi. Jun. lato, quod

quod est ap. B. Carpz. ad. p.2.C.XLV. d. 1. Vide allegatos Auto-
res locc.citt.

XXIV. Hæc hætenus expedita sunt ; Restat ut de Obliga-
tione quæ ex hæc promissione oritur aliqua dicamus ; quod com-
modè fieri haud potest , nisi omnem promissionum vim & effi-
caciâ simul explicemus. Cum vero accuratissimè , ut ego qui-
dem reor , hanc ipsam materiam Magnificus Dn9 Præses, Patrong
ac Mecœnas meus æternum mihi de venerandus in suâ solenni Je-
næ An. 1657. quàm habuit de Votis disputatione tractaverit , ad
quam hæc in parte me refero , non admodum diffusus ero in ea
exponenda ; Sufficiat ex eâdem hic annotâsse : quod aliud sit pro-
positum habere aliquid promittendi ; aliud propositum
id verbis simpliciter enunciare ; v. gr. cum quis dicit ,
Ego nunc habeo propositum dandi centum Cajo ; aliud demum
ipsa promissio. Ex proposito nulla oritur obligatio ; Restet e-
nim HUGO GROTIUS d. J. B. ac, P. L. II. c. II. n.2. ait : *Habet
animus humanus non tantum naturalem potentiam mutandi consilium
sed & jus* ; sicut & ex proposito simpliciter enunciato nemo obli-
gatur. Observare tamen debet hic talis ut verba proferat con-
sonamenti , ne mendacium incurrat. Ex promissione autem
quando quis cum Voluntate hæc suâ dandi Cajo centum , Caji
quoque Voluntatem concurrere facit , obligatio oritur , quod vel
vocabuli vis ostendit. *Nam à ligando atq; vinciendo verbum ob-
ligare deducitur , præpositione OB augente verbi significatum* Magnif.
Dn. Præses loc. cit. Illam ipsam autem obligationem aliam ex
honestate tantum , quæ fidem dictis nos addere jubet ; aliam ex
Justitiæ quoque regula , quæ suum cuique tribui vult , Moralistæ de-
ducunt ; ita ut ille quidem qui ita pollicitus est : *Ego propositum
habeo dandi Tibi centum , ac peto à Te ut mihi credas* ; quia saltem
fidem sibi haberi ab altero petiit nihil juris vero adhuc in alium
transulit , ad implendam fidem cogi Jure naturæ non possit , in-
terim tamen ex honestate morali , ne perfidus audiat , ut dictis
suis facta conformet , obstrictus sit. Quare rectius eam tanquam
minus plenam amplissimus Dn. Struvius ex numero obligationû
propriè dictarum aufert, Syntagm. Jurispr. Exerc. VI th. XI. Qui
autem verè promisit e. gr. quando dixit. Ego promitto tibi
centum , si acceptaverit alter hanc promissionem , (necessarium

enim & naturale requisitum obligationis acceptatio est) verè quoq; & efficaciter, & secundum Moralistas ex Justitiæ regula se obligavit, ita ut si nolit, ad implendam promissionem cogi Jure naturæ scil. (ex Jure Civ. enim neminem ad hæc talia cogi potuisse olim, mox in thesi sequenti audiemus) Cum enim Justitiæ unicuiq; suum tribui velit; per acceptationem autem aliquid ad acceptantem transiisse ex ipsa naturâ vocabuli pateat; non potest non sequi promittentem Voluntatem suam invito promissario amplius mutare haud posse; nisi alterius Jus lædere & ita manifestissimam Injustitiæ notam incurrere velit. Quod ipsum, latius HUGO GROTIUS l. cit. n. 14. exemplo vel ab ipso DEO petito probat ibi: *Ejus quod dicimus insigne nobis argumentum præbent divina oracula, quæ nos docent DEum ipsum, qui nulla constituta lege obstringi potest, contra naturam suam facturum nisi promissa præstaret.* Nehem. IX. 8. Hebr. VI. 18. & X. 13. 1. Cor. 1. 19; X. 13. 1. Thess. V. 24. 11. Thess. III. 3; II. Tim. II. 13. Unde sequitur, ut *promissa præstentur venire ex natura immutabilis Justitiæ, quæ DEO & omnib. his qui ratione utuntur, suo modo communis est.*

XXV. Fundamento itaq; hoc posito ex omni promissione acceptatâ obligationem naturalem oriri, porro tenendum est, Non vero continuo obligationem illam naturalem ad obligationem & actionem in foro Juris Romani proficere. Verba sunt supra laudati Magnif. Dni Præsidis in cit. solenni d. Votis disp. th. 10. Facit huc l. 7. §. 4. ff. d. pact. & l. 10. d. V. S. Hinc divisio quoque illa orta est, quâ obligatio in naturalem & Civilem dispescitur; ita ut sit obligatio naturalis secundum Struv. cit. loc. quæ, *absolute & in genere*, est vinculum s. nex. Juris naturalis s. gentium ad aliquid præstandum isto Jure adstringens l. 59. d. condict. indeb. l. 95. §. 4. d. solut. l. 41. l. 59. verb. *naturale vinculum* l. 60. l. 64. d. condict. indeb. l. 1. §. 17. ad L. Falc. Civilis, quæ hunc naturalem, approbat & confirmat §. 1. d. fidejuss. l. 8. §. 3. l. 16. §. 3. ff. eod. l. 1. d. novat. pr. J. d. Obl. verb. &c. Hæc itaq; præter naturale vinculum etiam necessitate Juris Civ. nos adstringit; illa solo naturalis æquitatis Vinculo sustinetur. l. 95. §. 4. d. solut. Non autem exinde concludi debet, ac si licitum sit Jure Civ. alteram fallere, quia scil. multis natura lib. obligat. actionem non concedat; cum Jus

Jus Civ. non tollat planè obligationem naturalem, sed saltem in foro suo ipsi ob certas rationes non adsint. *Existimaverunt enim leges Romani, quod facile cives labi ac varia dubia ac lites possent oriri, si non certo modo statuto conventionib. qualibet promissiones firmam obligandi vim haberent: statuto vero modo, existo servato de vera mente, certa Voluntate & consensu contrahentium, posset melius atq; certius constare.* Et ideo placuit, ut Jure Civ. Rom. in Rep. Romana non omnes conventiones efficaciter obligarent. Struv. cit. loc. th. 7. Interim utiq; ex naturali quoq; obligatione per se nascitur actio, quàmvis non civilis, tamen quæ Jure Gentium fuit usitata, sine ulla scilicet forma aut solennitate, asserente id Wesenb. ad ff. lib. 11. n. 9. Quod etiam Struvius velle videtur cum in definitione naturalis obligationis addit verba: isto Jure adstringens. Hinc DD. secundum jam citatum Wesenb. regulam in l. 1. l. 7. §. 1. ff. d. pact. l. 10. & 13. C. eod. constituunt: *Ex pacto, jure naturali sive gentium nasci obligationem naturalem quæ illo Jure sit effectax; effectax autem esse aut dici haud potest, si ad exigendum & excipiendum suo modo non proficiat.*

XXVI. Plura quidem hac de re subtiliter possent disputari adhuc, modus tamen aliquis est adhibendus, maximè cum hæ Juris Vet. subtilitates amplius non sint in usu Wesenb. loc. cit. Hodiernis enim morib. ex quovis pacto licito serid inito actionem dari cuius est manifestum Vinnius ad §. sequens divisio J. de Oblig. n. 1. Struv. l. cit. th. 17. Unde parum quoad effectum nunc refert, an stipulationem ut talem, vel ut pactum nudum valere velis. Hahn. ad Wesenb. cit. loc. Adducuntur hanc in partem à DD. primo txx. Jur. Can. c. 1. & 3. d. pact. Can. Juramenti q. 5. XXII. can. puellæ q. 1. XX. Deinde Jur. Sax. LandR. lib. 1. art. 7. pr. ubi habetur: *Wer sich borget/entleihet oder gelobet/ der soll es gelten/und was er thut das soll er stet halten.* Tercio quoq; adducitur speciale statutum Wirtemberg. ex Jur. tam Vet. quam renovato Alt-LandR. part. 2. tit. welcher bedechtl. zusaget p. 122. Erneuert LandR. p. 2. tit. 33. p. 31. quo expresse cautum est, ut non minus nuda pacta valeant quam contractus. Harpprecht. ad J. d. Oblig. n. 8. & 9. Schulz. Syn. Instit. d. Except. Struv. cit. l. & c. Nec iniqui quid aut injustitiæ etiam hi hodierni mores sistent:

cum hæc pacta naturaliter & ex æquo & bono, uti jam probatum, obligent; ut adeo ille qui ea non servare præsumeret, contra naturalem æquitatem Conscientiam & officium Viri boni faceret, Quapropter D. Paulus eos in illis numerat qui capitaliter delinquant ad Rom. c. 1. v. 31. Et gl. Jur. Can. in c. 1. d. pact. mortaliter eos peccare asserit.

XXVII. His ita generaliter cognitis, ex Expectativâ concessâ alteri in casum mortis, promittentem, (promissarium enim tantum ad gratitudinem obligationem illa naturali quæ minus plena à DD. vocatur, teneri, nemo facile negabit) obligari civiliter, actionemque inde contra ipsum dari civilem asserimus.

XXVIII. Diximus promittentem obligari civiliter: ubi notandum, quod per voculam civiliter hic non eam intendamus civilem obligationem quæ ex Jure Civ. Romano solennitates suas accepit, verum eam quæ ex consuetudinibus feudaliis robur suum habet; propterea autem dicimus civilem, quia vim legis Civilis ipsæ hæc consuetudines jam obtinent & ex iis promittens obligatur implere promissionem de alterius feudo alteri in casum mortis factam, ut patet ex multis supra citatis text. feud. Præterea idem quoque hodiernis moribus hæc operatur obligatio in foro Civili ac olim civilis in foro Romano. An vero præcisè ad feudum promissum tradendum, si facultatem aliâs tradendi habeat, ex hac promissione obligetur Dominus, an verò præstatione quæ interesset liberetur, multi adhuc dubitant. Nos, quicquid alii in contrarium asserant, facimus hic cum Struvio Syntagm. Jur. Feud. cap. VII. aph. VII. ibi in Exeg. n. 1. ubi, postquam Autores aliquot pro & contra simpliciter quæstionem vel negantes vel affirmantes adduxit, tandem concludit: *Hæc doctrina non videtur simpliciter admittenda, sed attendenda natura conventionis, quâ feudum promittitur: secundum quam naturam utique obligatus erit Dominus: s. gr. si per donationem feudum promiserit, ad præcisè tradendum tenetur §. 2. J. d. donat. l. 35. §. ult. C. eod. N. 162. c. 1. Similiter obligatur, si emptio venditio intercefferit §. 1. de empt. vendit. d. §. 2. d. donat. l. 50. d. act. empt. l. 6. C. d. rele. vendit. &c. Obligatur itaque Dominus ad feudum conditione existente præcisè tradendum, ubi conventionis natura hoc postulat, & illa alias, uti dictum*

dictum, tradendi facultatem habeat; præstatione interesse se liberatus, si conventionis conditio permiserit.

XXIX. Actionem quod concernit, eodem modo, quo obligatio, dicitur civilis; & quidem in specie, quia non res sed persona obligata est, personalis. Ubi notandum, quod omnes actiones circa feuda, quæ competunt, quantumvis, maxime quoad nomen, ex Jure Civ. descendere videantur, e. gr. quando hæc nostra actio dicitur personalis; nihilominus tamen institutæ ad feudum vel ratione feudi, tanquam ad rem feudalem feudales efficiantur, naturamque conditionem & qualitatem feudalem sortiantur; Namque *clari juris est, quod regulariter omnes actiones etiam personales sortiantur naturam, conditionem & qualitatem illius rei, pro qua re ille actiones competunt & instituuntur*, Schrad. part. 10. Sect. 5. n. 54. & 55. Si autem specialius adhuc etiam ex natura Conventionis quæ feudum promissum est, actionem denominare velis, ita ut, si stipulatio intercefferit, sit actio ex stipulatu, si emptio venditio, actio ex empto &c. minimè errabis; cum & omnes actiones secundum eundem Schrad. l. cit. num. 68. ex contractu aut conventionis descendentes in naturam & proprietatem præcedentis contractus aut conventionis abeant. Interim & his omnibus etiam casibus vel saltem & in primis in promissione vel obligatione, cum in aliud speciale conventionis nomen non transiverit, conditione ex moribus seu lege feudali rectè agi posse verissimè, asserit Rosenthal. cap. XII. concl. XI. ubi totam hanc actionum feudaliū materiam ex professo latissimè explicat & exponit.

XXX. Ultimo loco adhuc addendum; quod hæc obligatio ad heredes utrinque activè & passivè sit transitoria; distinctio tamen adhibita quoad Successores Domini, inter Laicos & Clericos: quorum illos ad antecessorum suorum promissum adimplendum cæteris paribus obstrictos; hos, exceptis excipiendis ab eodem adimplendo immunes asserimus. Sicuti quoque heredes respectu promissarii pro substrata materia intelligimus.

XXXI. Distinctionem inter Laicum & Clericum à nobis factam probant expressi textus feudales, 1. F. 3. & 9. II. F. 26. §. Morib. Circa Laicum autem ulterius distinguunt DD. ita ut succedat aut jure proprio, aut hereditario, *Hereditario jure succedit, qui defun-*

defuncto succedit, ita ut causam successionis habeat à defuncto: vel q^{ui} ipsi defuncto proximè in ius ab ipso, sive secundum legem sive secundum dispositionem hominis, sibi relictum succedit. Struv. S. J. F. cap. 7. aph. 9. in Exeg. num. 1. Et hic talis sive immediatè sive mediatè, sive in rebus allodialibus sive feudalibus hereditariis succedat, ex conventionem & promissione antecessoris sui efficaciter obligatur, ut rectè asserit Struv. l. c. Quod procedit quoque licet promittens heredum non fecerit mentionem. Idem enim est an dixerit: Si mihi; an, si Nobis apertum fuerit; quia vox hæc Mihi restrictiva ad personam promittentis haud erit Rosenth. cap. VI. concl. 15. n. 2. nisi expressè dixerit Dominus: Si me vivo feudum aperiatur, Wo es sich bey meinem Leben verledigen wird: Tunc enim heres ipsius tanquam conditione non impleta & ipsam promissionem implere non tenetur. Ac licet Jus Sax. feud. contrarium disponat: c. 5. vers. Sonst ist am Oeding keine Folge/ c. XI. ibi: Welch Buch ein Mann in seinen Bewehren nicht hat &c. c. 26. Es ist aber keine Folge daran/ c. 57. Stirbt auch ein Herr. & c. 59. vers. Alle Lehn ohne Bewehr die haben keine Folge; usu tamen non solum non receptum, ut & sæpius secundum Jus commune judicatum est; verùm etiam Elector Sax. ab eo tanquam duriore recessit. part. 2. Const. 45. ibi: Daß dieses Falls nach gemeinen beschriebenen LehnN. hinführo sol gesprochen werden. Und nemlich/ wenn ein Lehn Herr weilt. Standes / iemand ein Angefall verschreibt / ob gleich seiner Erben darin nicht gedacht / daß dennoch dieselben / wo sich der Fall folgendes zutrüge/ solche Verschreibung/ so weit die Vergleichung geschehen/ Inhalt des Buchstabens zu halten schuldig seyn. Vid. Schulz. Syn. J. F. c. 9. num. 59.

XXXII. Proprio Jure succedere dicitur, q^{ui} causam succedendi non habet ab eo, cui succedit: vel q^{ui} non succedit in ius ab Antecessore sibi relictum, sed aliunde illud acquirit v. gr. per Electionem aut successionem ex pacto & providentia. Struv. loc. cit. Hinc talis non tenetur factum antecessoris sui præstare; nisi sit filius: ille enim, quia nec repudiare potest hereditatem retento beneficio, sed aut hereditarium debitum solvere aut simul beneficium repudiare tenetur II. F. 45. utiq; & promissum, quod hoc quoq; certo modo inter debita hereditaria referri potest, rectius servabit; maximè cum
& ma-

& majori vinculo patri sic adstrictus quam quidem agnatus, qui non habet jus sanguinis ab eo, cui succedit, sicut filius omne id, per quod succedit à Patre, habet; ut æquum inde omnino sit ipsum Patris promissiones servare, rectè id monente Struv. cit. l. n. 14. Simili quoque modo agnatus, si simul heres in allodialibus defuncto existat, ob id, quod heres est, ad implendam conventionem ipsius obligatus erit. Sicuti nec ille, qui defuncti padiones, ante susceptam administrationem confirmavit, aut pacto successorio ei immèdiatè successit ab adimplerione hujus promissionis se liberum præstabit. Plures restrictiones vid. ap. DD. dictis II. in primis Schrad. part. III. cap. 2. n. 24. 25. seqq.

XXXIII. Hic quoad personam Imperatoris, an scilicet & ille Expectativam alteri in casum mortis à Prædecessore concessam ratam habere debeat? nimium est, quantum se torquant passim DD. aliis ob regulæ generalitatem, quæ nemo per Electionem succedentium promissiones defuncti ratas habere cogitur, id negantibus; Schrad. loc. cit. n. 25. Rosenth. cap. VI. concl. 17. n. 2. Vultej. l. F. X. n. 23. Schnob. disp. f. V. th. 28. &c. aliis idèò, quod non ratione personæ, sed Imperii obligetur, Imperium autem, sublatà licet Imperatoris personâ, salvum tamen semper maneat, simpliciter affirmantibus Treutl. Vol. I. disp. 6. th. 7. lit. b. ff. & à Schraderò part. 4. c. 1. n. 21. citatus Bald. l. i. n. 3. ff. d. Const. Prin. Hinc Hugo Grot. l. II. d. J. B. ac P. c. 14. n. 11. generaliter quoque asserit: *Omnes successores regni electorios quæ tales à iuribus quidem b. e. directè non obligari, quia jus non accipiunt ab eo, qui proximè decessit, sed à populo; sed tamen è iuribus i. e. per interpositam Civitatem obligari.* Mihi hæc quæstio uti non simpliciter neganda, ita nec simpliciter quoque asserenda videtur, sed distinctio adhibenda, utrum intuitu Imperii, & ex utilitate ejus concessio facta sit nec ne. Imò adhuc præjudicialis quæstio enodanda prius est, Num Imperator jus concedendi Expectativas habeat? quod de feudis majoris momenti vix affirmari potest. Optimè tota hæc res ex Capitulationibus Imperat. decidi potest: Et quidem primo Capitulationi Caroli V. additum legimus: *Imperii bona quæ fortè vacabunt, nemini conferat, sed ad publicum patrimonium referat.* Sleid. lib. 1. de Stat. Relig. p. m. 29. Deinde in Capitulatione Ferdinandi III. cap. XXXII. leguntur hæc ver-

ba: Wenn auch Lehen dem Reich und Uns bey Zeit unserer Regierung eröffnet und lediglich heimfallen werden/ so etwas merckliches ertragen/ als Fürstenthumb/ Graffschafften/ Herrschafften / Städte und dergleichen / die sollen und wollen Wir ferner niemand leihen/ auch niemand einige Expectanz/ oder Anwartung darauf geben/ sondern zu Unterhaltung ic. *Quæ omnia in art. XXX. ultimæ Capitulationis hodierni Imperatoris Leopoldi II. quæm Deus Imperio diu conservare velit, cum additamento repetita sunt hunc in modum: Wenn auch Lehen dem Reich und Uns bey Zeit unserer Regierung durch Todesfall oder Vermürkung eröffnet, und lediglich heimfallen werden/ so etwas merckliches ertragen/ als Fürstenthumb/ Graffschafften / Städte und dergleichen / die sollen und wollen Wir ohne Vorwissen der 7. Churfürsten ferner niemand leihen / auch niemanden einige Expectanz oder Anwartung darauf geben/ sondern zu Unterhaltung des Reichs Unser und Unser nachkommender König und Käyser behalten / einziehen und incorporiren/ doch Uns von wegen Unserer Erblanden nnd sonst männiglich an seinen Rechten und Freyheiten unschädlich. Sollen auch die Lehen Brieffe und Expectanz über des H. Reichs angehörige Lehen / welche bey einer andern als Unserer ReichsCanzelen und ohne Vorwissen der Herrn Churfürsten inskünftige ertheilet und ausgefertiget werden möchten / ganz ungültig seyn. Unde & olim Rudolphum II. Philippo II. Hisp. Regi Vicariatum Visentii ab ipso petenti, inconsultis Principibus Imperii idritè peragi non posse, respondisse refert Arumæus Disc. ad A.B. 4. p. 21. 223. Ex quibus omnibus cum faciliè constet, quousque potestas Imperat. hodiernis moribus circa hæc talia se extendat, neminem latere amplius posse existimo, quousque & eorum inde promissio valitura sit.*

XXXIV. Hæc de successore Laico dicta sufficiant. Clericus promittit aut de rebus propriis aut de rebus Ecclesiæ. Priori modo per omnia Laico comparatur per ea, quæ tradunt Vultej. l. cit. n. 25. Rosenth. l. cit. concl. 15. n. 7. & ibi gl. f. Schrad. l. cit. n. 33. Posteriori a. casu successor Clerici promissionem de caducitate feudi in bonis Ecclesiæ adimplere non tenetur per textus expressos l. f. 3. 9. 25. & 2. F. 26. §. morib. Nisi (1) aut Consensu Capituli facta sit; quia tunc Capitulum, quod non moritur, se obligasse simul dicendum est. Aut

(2) in-

(2) inductus sit promissarius in possessionē feudi promissi cum consensu possessoris l. f. 3. Aut (3) ipse successor factum defuncti ratum habere velit; *Siquidem hoc quoniam illi liceat in controversiam vocare puerile fore*, asserente id Rolenth l. cit. concl. 16. n. 6. Quare prospiciat sibi hoc casu promissarius, ut aut consensu Capituli promittatur ipsi feudum, aut in ejus possessionem consentiente possessore inducatur; Sic enim & eo certior quoque erit de futura successione. Plura videat. ap. cit. Struv. Rolenth. cit. ll. & Schrad. l. cit. n. 34. 35. seqq.

XXXV. Ceterum ad promissionem Antecessorum non solum leges aut mores feudales heredes obligant, verum ipsa præterea naturalis æquitas hoc exigit. Æquum enim omnino est, ut factum quis præstet ejus personæ, ex quâ lucrum capit l. 149. ff. d. R. J. Et in cujus omne jus quis succedit l. 37. ff. d. acquir. l. amitt. hered. enim ejus obligationem in se recipiat; cum & jure Civ. suscipiens in se jus demortui, omne ejus rei sive commodum sive incommodum in se suscipere necesse habeat l. 1. & 3. ff. d. Bon. poss. Præterea spontaneè quoque se heres ad promissionem defuncti obligat; cum in illo arbitrio sit, an adire velit hereditatem an repudiare. Ac proinde adeundum hereditatem simul omnia commodum & incommoda hereditaria voluntate sua suscipit. Quapropter iustissimè Justinian. in Nov. 48. constituit: ut nemo heredum, quoniam una quodammodò persona cum defuncto videatur, contra factum defuncti resultare præsumat. Quod autem proprio jure succedens à præstatione facti defuncti liber sit, ratio differentię in eo est; quia hic suo jure, sive vi electionis, sive successionis ex pacto & providentia, sive etiam occupationis id fiat, succedit, nec usquam ab antecessore in causa habendi dependet; quapropter nec autorem eum agnoscere, aut facta ejus præstare tenetur.

XXXVI. Sicuti autem à parte Domini promittentis obligatio promissionis passivè l. f. 9. 2. f. 26. §. morib. & 2. f. 58. §. item sciendum, ibi: item heres; ita à parte Vasalli promissarii activè ad heredes transit, arg. 2. f. 18. verb. *unusquisque sibi suisque heredibus videtur propexisse*. Huc faciunt quoque mutatis mutandis rationes in præcedente thesi quoad heredes Domini allegatæ; præcipuè lex 37. ff. d. acquir. vel amitt. hered. ubi dicitur: quod in omne jus defuncti succedat heres; quicunque autem dicit omne, ille nullum excipit, & per

per consequens in hoc quoque heres jus obligationis activè succedet: it. lex 59. ff. d. R.J. ubi dicitur: quod heres ejusdem potestatis jurisq; sit, cujus fuerit defunctus; æquum ea propter omnino erit, ut, quoniam hoc jus obligationis defuncto competebar, idem & heredi ejus competeat. Et ampliatur hoc: licet renovatio nunquam petita, daß es nicht befolget worden. Qvemadmodum id probant verba Sententiæ Scabin. Lipsi. apud B. Carpz., ad part. 2. C. 45. d. 10. Und es würden Eure Erben / unangesehen ihr dem Bedinge uff vorgehenden Fall niemahls Folge gethan mit den verledigten LehnGuthe würcklichen belehnet. B. N. W. Heredes a. hic intelliguntur pro substrata materia h. e. feudales. Sicuti enim extranei nec ad successionem feudi regulariter quidem admittuntur; ita sanè multo minus hoc casu promissio ad ipsos pertinebit, nisi feudum promissum sit merè aut absolutè hereditarium, aut tamen ad minimum sub tali qualitate promissum. Et licet hic itidem Jus feud. Sax. secundum textus supra in th. 31. allegatos contrariari nobis videatur; quia tamen usus obtinuit, ut & hæc in parte semper secundum Jus commune tam responsum quam judicatum sit; in lege autem 23. ff. d. LL. pro regula quasi tradatur: quod haud temerè mutanda sint, quæ semper certam interpretationem habuerint; haud video qua ratione à spe successionis heredes promissarii excludi possint. vid. Schulz. Synops. J. F. cap. IX. n. 60. & 61. Accedit quod Dominus & Vassallus ad paria judicentur & statutum in uno porrigatur ad alterum jarg. 2. F. 6. & 26. §. Domino. Quapropter & supra citata Elect. C. 45. cum de Domino sententiam nostram confirmet, quin ad heredes Vassalli quoque extendi possit, nullus dubito, Et hæc de præsentī materia, pro genii atque ingenii modulo, judi tenuiq; Minervæ dicta sufficiant.

MELIORA MELIORES.

*Sint grates PATRI & NATO cum FLA-
MINE SANCTO!*

FINIS.

